

vulpes.

'Stagnum Genesaret cum fulica transvolitaret,
Me visa rediit, de te mox talia pandit:

"Cara soror vulpes, quaenam nova tristibus affers?
An leo convaluit, quem punctio dira gravavit?

450 Fit planetus grandis in partibus isce marinis.
Currito, festina, latet hoc medicamine vita.

Quod tibi compono, compone fideliter aegro,
Ut fias agilis, nec erres montibus istis,

Hac iter ad laevam, per quod descendito Romam,

455 Burdegalo castro cursu tendas properato,

Psitachus occurret, regis tentoria quaeret,

Illi mox dices, quae tunc certissima scies:

Nam regi domino supplex oramina mando."

Haec dicens rediit, pacis simul oscula pressit.

460 Finibus italicis, fessis cum robore membris,
More peregrini mirans ripatica Padi,

Dum prope perveni pontatica fixa Ticini,

Venerat immenso moerens ciconia rostro.

Fulica quae dixit, eadem gemebunda revolvit;

465 Addidit hoc solum, sanctum deposcier Aprum,
Prosperet incepta, conformet tot mihi jussa?

leo vulpi.

De te multa volant, quae vitam crimine turpant?
vulpes.

'Circator veniat, dictum scelus omne revolvat;

Si dignum morti, cogar succumbere legi,

470 Judicor innocua, domini laetabor in aula.
Totus conticuit grex, atque crucis siluit lex.

vulpes.

'Quicquid sub terra est, in apricum proferet aetas,
Singula de nobis anni perdentur eunt,